

四庫全書

子部

欽定四庫全書

子部

古今事文類聚新集卷十一

詳校官中書臣孫衡

侍讀臣孫球覆勘

總校官編修臣王燕緒

校對官中書臣王家賓

謄錄監生臣陳炳

欽定四庫全書

古今事文類聚新集卷十一

元 富大用 撰

六曹部

吏部尚書

歷代沿革吏部尚書周之天官卿也漢成帝置列曹尚書四人其一曰常侍曹光武改常侍曹為吏部曹主選舉靈帝改吏部為選部魏改選部為吏部主選部

事右於諸曹尚書晉吏部尚書一人宋世祖大明二年置二吏部尚書後還置一人齊梁陳皆曰吏部尚書自漢及魏授此職者並云吏部尚書若授諸曹尚書直云尚書然此官歷代班序常尊不與諸曹同也自魏至梁並第三等梁定十八班班多為貴吏部尚書班十四諸曹尚書班十三後齊尚書分統列曹隋吏部尚書統吏部侍郎二人主爵侍郎一人司勳侍郎二人考功侍郎一人唐因隋制吏部尚書一員正

三品龍朔二年改為司列太常伯光宅元年改為天
官尚書神龍元年復舊天寶十一年改為文部至德
初復舊總判吏部司封司勳考功四曹事宋張昭為
尚書獨掌京官七品元豐官制行以審官東院歸吏
部尚書左選審官西院歸吏部尚書右選元因唐宋
舊制吏部掌天下文武官吏選授勳封考察庶能出
給制誥等事吏部令史分掌名頭以尚書為之長

羣書要語冢宰掌邦治統百官均四海

書周官

乃立天官

冢宰使帥其屬而掌邦治以佐王均邦國

周禮

太宰之職

掌建邦之六典以佐王治邦國

同上

尚書萬事之本選部

五曹之右

常集吏部尚書制

輟乃鈞衡專茲銓鏡

唐大詔令

辨論官

材澄汰流品比諸內史選妙秩清

舊制

銓官九流品藻清

濁

李重集選曹箴

冠六卿統百職

白集

天官太宰秩序常尊自昔

迄今冠諸卿首

同上

藻鑒流品是資清職

唐臨冊

爾其懸衡

處物虛心待士

同上

文昌六卿

楊億代表

中臺職司願講求於

故實未央朝會時瞻近於清光

同上

合左右之聯歸簿領

者凡六十案奏文武之士在考覈者逾二萬負

李清臣表

天

官冢宰之崇文昌選部之重

錢表類

尚書總統百度是為

古官吏部表率六曹茲為重任自天官之任人物所宗

以撥煩治劇之才行激濁揚清之政

並同上

漢革民曹魏

仍東掾毛孝先以清公見美盧子巖以真固任職

張續表

樂彥輔雍容自守當時恨其寡譽山巨源意存賞拔不

免與世沉浮

同上

東西兩漢左雄孤絕於前南北二晉山

濤莫嗣於後

沈約代表

自非伯豪之天下稱能仲子之時人

歸德孝先之拔奇抑偽巨源之黜惡舉善然後可以銓

鏡流品平均衡石

梁王筠為第六叔讓吏尚書表

去歲冬初國學之老

博士爾今茲首夏將亞冢司雖千秋之一日九遷荀爽

之十旬遠至方之微臣未為速達

任昉為范雲讓吏部尚書表

況今

日之選專歸尚書以一人之鑒照察天下劉毅所云一

吏部兩郎中而欲究鏡人物何異以管闕天求其博哉

崔亮答劉景安書

假勢風雲非由羽翮徒得推遷就列僂俛當

時曾無辟雍議禮之名詎有銅雀獻賦之敏而政本寔

繁司會攸切

溫子升廣陽王讓吏部尚書表

詩句芻中無水鑑敢當吏部銓

山谷

丘山岌岌連天峻沔

水澄澄徹底清

王丘崔沔當吏部時人為之語云分紀

符彩照千里銓衡

總九流

劉試和許給事傷牛尚書

持衡留藻鑑聽履上星辰

杜

古今事實

周之天官

吏部尚書周之天官卿也

六典

又掌文官選舉判天官司

勲司封考功等四司

漢之選部

吏曹尚書典選舉齋祀屬三公曹靈帝末梁鵠為選部

士願居選

梁王泰山仲通能接人士人士願其居選官頃之為吏

書衣冠傾屬

時皆推美

李尚書又王尚書丘佳賓客所掌吏部皆獲當時之美

二世吏部

謝舉字言揚掌吏部舉祖莊於宋代再典選至舉又三
為此職前代未有

五人尚書

謝莊子肫肫子淪淪子覽覽孫溫六代五人皆為吏部
尚書

先選德行

隋牛弘為吏部尚書其選舉先德行而後文才進用多

稱職吏

見隋書

好抑文雅

唐戴胄檢校吏部尚書然好抑文雅獎法吏時以寡學
為訾

一時精選

張九齡入相用嚴挺之為尚書左丞知吏部選陸景融
知兵部選皆為一時精選

十年進拔

韋時康拜吏部尚書前後十餘年多所進拔朝廷稱為

廉平嘗因休暇謂子弟曰吾聞功成身退古人常道今年將耳順志在懸車汝輩云何予初嗣荅曰大人澡身浴德名遂官成盈滿之誠先哲所重欲追蹤二疎伏奉尊命

當舉此人

吳隱之字處默有孝行母亡每哭韓康伯母輒泣涕語康伯曰汝後若居銓衡之職當舉此人及康伯為吏部尚書因進用之遂歷清要

始得此人

韋思謙舉進士累補應城令歲餘調選思謙在官坐公
事微殿舊制多未叙進吏部尚書高季輔曰自居選部
今始得此人豈以小疵而棄大德遂擢授監察御史
由是知名

法不如毛

毛玠為吏部尚書無敢好衣美食者魏武歎曰孤之法
不如毛尚書令使吏部用心如玠風俗之易不難

代更舉阮

魏盧毓字子家為吏部尚書魏文帝使毓自選代曰得如卿者乃可毓舉鄭冲帝曰文和吾自知之更舉吾所未聞乃舉阮武孫邕帝於是用邕

率人以儉

魏毛玠為東曹掾與崔琰並典選舉用皆清正之士雖於時有盛名而行不由本者終莫得進務以儉率人由是天下人士莫不以儉節自勵

執心平當

晉劉雄字公平遷吏部尚書執心平當

稱若神明

梁范雲性機警且善屬文為吏部尚書居選部寄任隆重書牘盈案賓客滿門應答如流無所壅滯官曹文墨發摘若神明邦人莫不服其明贍

止談風月

梁徐勉為吏部尚書居選官彞倫有叙嘗與門人夜集

客有虞曇求詹事官勉正色荅曰今夕止可談風月不宜及公事時人服其無私

清通簡要

鍾會見王戎裴楷總角曰裴楷清通王戎簡要後二十
年此二賢當為吏部尚書異是時天下無復滯才

周謹廉素

太康四年詔選曹銓管人才宜得忠恪寡欲抑華崇本
者尚書朱整周謹廉素以道自居是其人也其以整為

吏部尚書

不受一錢

晉鄧攸遷吏部尚書牧馬於家庭妻息食素不受一錢於人

不受餅金

褚彥回為吏部尚書有一人求官袖中將一餅金因求請問出金示之曰人無知者彥回曰自應得官無假此物若必見與不得不相啓此人大懼收金而去

饋餉不受

江湛為吏部尚書家甚貧不營私財饋餉盈門一無所受

遊處不雜

袁昂雅有人鑒遊處不雜為吏部尚書梁帝謂曰齊明帝用卿為黑頭尚書我用卿為白頭尚書

一字拔人

蔡克居選官苟進之徒望風畏憚初克未仕時山簡常

與王衍書曰蔡子尼今之正人衍以書示衆曰山子以一字拔人然未易可稱後衍聞克正選官曰山子之言驗於今矣

三為此職

謝舉遷吏部舉祖莊於宋代再典選至舉又三為此職前代未有本傳又唐常慶凡三掌選銓授平允議者與之

佩玉乘軺

晉令吏部尚書五時朝服納言幘進賢兩梁冠佩水蒼

玉

佩囊簪筆

尚書佩契刀囊執板笏簪筆

毛玠紫車

毛玠雅亮公正在官清恪其典選舉拔真實斥華偽于
時四海翕然莫不勵行至乃長吏還者垢面羸衣常乘
紫車軍吏入府朝服徒行吏潔於上俗移於下民到于
今稱之

褚炫紙帽

南齊褚炫為吏部尚書炫居身清正在選部門庭蕭索
賓客罕至出入左右常捧一黃紙帽風吹紙剝殆盡

李肅題目

李肅字偉恭善論臧否得中甄竒錄異薦述後進題目
品藻曲有條貫以此人服之擢為選部尚書舉選號為
得才

山公啓事

晉山濤為吏部尚書前後選舉周徧內外而並得其才
除尚書僕射領吏部濤再居選職十有餘年每一官缺
輒啓擬數人濤所奏甄拔人物各為題目時稱山公啓
事

備儀注禮

牛弘拜吏部尚書時高祖召諸儒論新禮殺輕重弘所
立議衆推服之仁壽二年獻皇后崩王公已下不能定
其儀注楊素謂弘曰公舊學時賢所仰今日之事決在

於公弘乃不拜讓斯須之間儀注悉備素歎曰衣冠禮樂盡在此矣非吾所及也

作考課法

盧毓為吏部尚書文帝使毓自選代曰得如卿者乃可前此諸葛誕鄭曉等馳名譽有四窓八達之誚帝疾之詔選舉莫取有名者如畫地作餅不可啖也盧毓曰名不可以得異人而可以得常士王者正以循名按常為職但當有以驗其後今考績之法廢而以毀譽相進退

故真偽混淆虛實相蒙帝納其言詔作考課法

被召即拜

晉少帝即位以蔡廓為吏部尚書不拜乃以王德惠代之惠被召即拜未嘗接見客有與書求官輒置書閣上及去職其封如初時談者以廓之不拜惠之即拜事雖異而意同

加祿先呵

王弘自領選將加榮祿於人者每先呵責然後施行若

美相晒接者必無所詣人問其故荅曰王爵既加於人又相撫勞便成與主分功若求者絕官叙之分既無以為惠又不微借顏色即大成怨府問者悅服

與官嗔笑

謝莊代顏峻為吏書峻容貌嚴毅常有不可犯之色莊風姿溫美有喧訴常歡笑荅之時人語曰顏吏部嗔而與人官謝吏部笑而不與人官

隨時浮沉

王戎領吏部尚書自戎居選未嘗進一寒素退一虛名
理一冤枉殺一疽嫉隨時浮沉門調戶選

不許江總

陳孔煥為吏部尚書太子叔寶欲以江總為太子詹事
煥曰江總有陳陸之才而無園綺之實太子深以為恨
自乃言於陳主將許之煥乃啓願選敦重之才以居輔

道

陳紀

獨識漫漢

東魏以楊愔典選嘗六十人為一甲愔令其自叙訖不
省文簿便次第呼之無有誤者後有選人魯漫漢自言
猥賤獨不見識愔曰卿前在元子思坊騎禿尾草驢經
見我不下以方翅障面我何以不識卿漫漢驚服

典畧

下筆招怨

郭祚為吏部揚身潔清重惜官位至於銓授假令得人
必徘徊久之然後下筆即云此人便已貴矣當時每招

怨言

搖扇厲聲

元順為吏部尚書時朱暉素事高陽王雍欲以為廷尉
評頻煩託順順不為用雍撫几曰身天子之子天子之
弟天子之叔天子之相元順何人以身成命順搖白羽
扇徐謂雍曰高祖遷宅中土初定九流官方清濁軌儀
萬古而朱暉小人身為省吏何合為廷尉清官雍曰身
為丞相錄尚書如何不得用一人為官順厲聲曰殿下

必如是順當依事奏聞

不署紙尾

宋廢帝時蔡廓為吏書徐羨之謂傅亮曰黃門已下悉

委蔡自此已上固宜共參同異廓聞之曰我不能為徐

羨之署紙尾也遂辭不拜

建康實錄

隨而下筆

唐裴光庭為相兼吏部尚書與中書令蕭嵩爭權不協

及為吏部奏用循資格并促選限光庭卒嵩又奏請一

切罷之光庭所引進者出為外職時有門下主事閻麟之為光庭腹心專知吏部遇官每麟之裁定光庭隨而下筆時人語曰麟之口光庭手

秉筆當除

韋巨源以吏書同中書門下三品時要官缺執政以次用其親巨源秉筆當除十人皆諸宰相近屬楊再思曰吾等誠負天下巨源時當爾耳

唐書

舉扇一揮

蕭子顯為吏書負才氣見凡流賓客不與交言但舉扇

一揮而衣冠切恨之

齊書

謝朓慙色

初謝朓告王敬則敬則女為朓妻常懷刀以投朓朓不

敢相見及當拜吏部譙挹尤甚尚書郎范績嘲之曰卿

才人無慙小已但恨不可刑于寡妻朓遂有慙色

梁書

脩義失色

元脩義選吏部尚書在銓衡唯事貨賄授官小大皆有

定價時高居者先叙上黨郡關遂求之脩義私已許人
抑居不與居大言不遜對衆呼天喝賊人問居曰白日
公庭安得有賊居指脩義曰此坐上者違天子明詔物
多者得官京師白刼此非大賊乎脩義失色

官有定價

元暉遷尚書納貨賄授官皆有定價大郡二千疋中都

一千小郡五百

北史

士不問賢

崔亮後魏時為吏部尚書為停年格不問士之賢愚專以停解日月為斷

同上

人中作市井

袁真為監軍范立平為吏部尚書坐語袁曰卿此選還不失護軍袁曰立平卿何事人中作市井

後主借鼓吹

梁蔡徵拜吏部尚書啓後主借鼓吹荅曰軍樂有功乃授蔡徵不自量揆素我朝章然其父景歷既有締構之

功宜且如啓

帝問何先

宋葉顥權吏部尚書乾道九年召對便殿賜坐賜茶禮異他日帝曰吏部條例朕亦置一通在禁中又問卿當官以何為先對曰以公忠為先帝曰卿宜無忘此二字後五日除簽書越二日兼參政

楊誠齋集

上嘆有序

宋晏敦復為吏部尚書上嘗嘆曰敦復凝重剛方當公

介然行總有序擿發清明事無奸滯山濤毛玠無以過

之

周平
園集

諫屏鞠戲

陳俊卿謚正獻召為吏書時上未能屏鞠戲公上疏力
諫入對上迎謂曰前日之奏備見忠謹朕決意用卿矣
十二月拜同知無參政

因論耗費

吏部尚書張壽因對論甲庫萃工巧以蕩上心酷良醢

以奪官課教坊樂工負數日增俸給賜賚耗費不貲皆
可罷上曰卿可謂責難于君明日罷甲庫諸局以酒庫

歸有司減樂工

中興係
年錄

古今文集

雜著

吏部尚書廳壁記

孫述

吏部尚書在周為太宰之職其建設徒屬敷陳事典則
周官備之矣秦滅古法始置尚書漢增其制創立選部

故靈帝以梁鵠為選部尚書是以魏改選部尚書為吏部尚書自晉宋至於北齊皆因之宇文朝依周官置大冢宰卿一人蓋其任也隋革周制復曰吏部尚書皇朝龍朔二年改為司列太常伯咸亨元年復為吏部光宅元年改為天官尚書神龍元年又為吏部尚書綜九流之要為六官之長位尊任重實在於茲自武德以來多以宰相兼領一彼一此權衡出入才難不其然乎皇帝在位之二十二年缺其官選疇咨百僚武都公自兵部

尚書拜焉公地惟宗英才則人傑忠孝自律矜嚴成憲
式是軌度諒于衡石國之利也所及遠哉天鑒有唐俾
多吉士踐其位者四十八人嘉名已著於國史故事宜
存於臺閣繫以日月自得春秋之義記其代遷更是公
卿之表以備官學列為壁記焉

為李景謨讓天官尚書表 李嶠

寵命載臨震悸交集鞠躬自覲屏營無措

中謝

臣聞俊乂

在官百揆所以時叙名器妄假九流于是咸曠事關隆

替義難忝越臣才疎行缺學淺智空十舍無千里之資
一經乏三冬之教徒以遭逢昌運玷膺籍符幸雨露之
曲成遇山川之廣納遂得差肩冕笏比跡流品出入臺
省周旋階闥鏘金鳴玉坐榮枯朽擊水搏風顧慙腹背
自忝司衡鏡亟易星灰雖智力已窮而清通未效朱紫
多紊涇渭莫辨宜其抵罪觸網稍清官謗翻乃假寵增
服更垂天獎是用荷恩內訟以榮為憂且夫八座位隆
五曹望重典南宮之喉舌象北斗之樞機式資藻鑒奚

綜實實自非孝先亮直彥輔公忠山濤之簡靜篤素顧
譚之心精體密何以對揚天哲歷塞人望顧斯政本實
總國彙豈臣庸愚所堪尸忝伏願迴光寢照返汗收恩
察臣由東之請矜臣陳力之議則朝端允穆天下至公
四始輟在梁之譏六爻無負垂之累矣無任慙懼之至
辭免除權吏部尚書狀
樓鑰

寵光下逮惕懼靡遑竊以選部攸司是曰六官之長文
昌攝事亦叨八座之稱縱難求傑異之才猶當取踐駁

之舊臣一登仕路三入脩門年除歲遷寢踰於常格寢
驚夢愕屢蹈於危機惟茲瑣闥幾更月琯遇事輒發徒
深積於怨仇忤旨為多方日虞於呵譴敢期睿獎亟賜
褒遷徑由夕拜之聯擢試天官之職魚汗青於東觀乃
視草於北門揣愚分以何堪恐公言之不貸伏望皇帝
陛下收還成渙改畀真賢俾退服於舊班庶漸伸於歸
望

謝除權吏部尚書表

樓鑰

充負瑣闥自顧罔功攝長銓曹忽蒙誤寵仰皇慈之至

渥揣微分以何堪

謝中

竊以選部持衡夙號六卿之長文

昌聽履實為八座之聯非素推公方不足以扼吏奸非

妙有德望不足以厭輿論雖黃散之下無參異同而

搢紳之流鮮不關係宜求積敏之彥以當要劇之司伏

念臣才不逮人學徒泥古一為支郡三入脩門久侍上

皇愧愚衷之無補親逢嗣聖荷褒擢之有加代言非陸

贄之工批敕謝李藩之器俯徇芻蕘之論屢寬斧鉞之

誅去省眼者五年遂躡登於冢宰離班心者一載遽首
列於從臣禁林魚內制之文史館涉信書之筆滿盈已
甚控避莫回頒御府之襲衣益之鞶帶駕天閑之良馬
覆以雕鞍但喜悅親之私敢云稽古之效茲蓋伏遇皇
帝陛下多能天縱盛德日新蒐舉異才踵登持索之選
優容棄物獨負吹竽之慙宜黜而遷以榮為懼臣敢不
深思偉冒勉竭疲庸為山公啓事之書知非所及守崔
亮傳年之格何足言勞尚幾典選之平少助官人之道

與趙尚書書

朱元晦

茲者竊聞榮被追詔入長天官夫以尚書望實之隆宜在廟堂參斷國論之日久矣去歲入朝登用在即而抗論極言不以利害之私少有回屈士論益以歸重而深恨其不少留也乃今幸甚天啓聖心召還故官是蓋將授以政無可疑者有識傳聞交相慶賀蓋不獨為門下之私喜也然今日之事蓋有甚難於為力者不審明公何以處之竊計雅懷於其大者素有定論不徒愚者之

言矣惟其小者之一二區區鄙懷竊有所疑於平日輒
忘僭易而一言之惟高明之垂聽焉蓋天下之事決非
一人之聰明才力所能獨運是以古之君子雖其德業
智謀足以有為而未嘗不博求人才以自裨益方其未
用而收寘門牆勸獎成就已不昧其衆是以至於當用
之日推挽成就布之列位而無事之不成也今日明公
之立朝不為不久而未聞天下有卓然可用之才出於
門牆之下自頃出臨藩服而熹始得觀於進退官屬之

際則見明公之所與者率多碌碌凡庸睢盱偵伺以希寸進之流未有以職脩事舉衆所稱以為當舉而得之者也而況於學行蘊蓄真有以大過於人者乎今者進位於輔相之列則所資於天下之才者益衆而所進退於天下之才者益重若但以前日進退官屬之尺度取之則熹恐天下之士所以望於明公者有未厭也時事如此之艱明公之任如此之重而所以求助者如此之狹熹雖至愚猶竊為明公慮之而辱知有素不敢不

及此而一言也伏惟寬宏恕其狂易試加察焉蓋不惟明公所自舉而凡所為屬之同列以妨賢者之路若宜皆在詘指之中則熹之虛實可觀矣來使回自三山熹前此已屢拜啓薄冗姑此少申賀禮而亦不敢為無益之空言也未由趨拜履舄伏乞以時為國自重

吏部侍郎

歷代沿革吏部侍郎周之小宰中大夫也漢以來尚書侍郎今郎中之任北齊陸瑒兄弟為相代兵吏部郎

今侍郎也隋煬帝三年尚書六曹各置侍郎一人以貳尚書之職並正四品以下銓補多歸之唐武德初因隋舊置吏部尚書掌六品七品選侍郎銓掌八品九品選龍朔二年改為司列少常伯咸亨初改為吏部侍郎光宅初改為天官侍郎神龍初復為吏部侍郎天寶十一載改為文部侍郎至德二載復為吏部侍郎本一員總章二年加一員以裴行儉為之本員為中銓新加員為東銓

通典云唐列三銓尚書掌其一侍郎分其二尚書所掌謂

之尚書銓侍郎所掌其一為中銓其一為東銓宋元豐官制行以流內銓歸

吏部侍郎左選

元豐初御史舒亶言天下選人名在吏部者且萬人索其家牒以式住籍

時將改官制先詔流內銓稱尚書吏部官制行歸吏部侍郎左選

以三班院歸吏部侍郎

郎右選

三班院舊例置局禁中嘉祐中出之熙寧三年罷主部元豐初又詔與審官東院流內銓

各省注簿一官制行歸吏部侍郎右選

侍郎從三品掌文臣未改秩者

凡始命或有疑負皆試而後選若應遷格則團甲同

郎官引見於便殿稟奏改官右選掌武臣未陞朝者

凡所任而試不中等及已入官而未應選者皆勿注

正闕若選路分都監將官閣門祇候都總管司承受
皆以名上樞密院視朝入閣則執文武班簿對立官
制尚書侍郎通治曹事奏事則同班惟吏選分領四
選有所論奏則各以選事同所隸郎官上殿續會要初
置二員蘓頌左選李承之右選元仍唐宋制置吏
部侍郎

羣書要語小宰之職掌邦之六典八法八則之貳周禮司

小宰之職任佐平邦典選重朝倫參我密啓屬於清鑒

當勵濯纓之操不遺刈楚之材

晏公類要

尚書六職天官首

之辨論官材澄汰流品比諸內史選妙秩清爾其以裴

王崔毛為心

白集柳公綽制

用解樞機之務俾居行鏡之職

唐大

詔掌銓行之品藻宜叙九流

楊億代表

吏部典掌選舉至於

所屬之官有行封爵議勳庸稽功課之事咸以咨焉侍

郎實二其長可不重哉

南豐擬制

夫以天官之二治夏卿之

選簿書繁重條格紛委苟非其人則士之失職而無告

者多矣

東坡集

天官四銓總覈人物澄清流品

除孫覺制

文昌

二卿位次八座

陸佃制

吏部古之天官而侍郎小宰之職

詩句持行留藻鑑聽履上星辰注見素為吏部侍郎銓

選平允上星辰以言其親帝之旁

杜

南宮吾故人白馬

金盤陀雄筆映千古見賢心靡他舊注南宮為禮部非

也按天官書南宮朱鳥權行太微三公之庭將相執法

郎位衆星

古今事實

銓衡之任

唐掌選部流內六品以下官是為銓衡之任凡初仕進者無不仰屬

銓綜之司

考功員外郎劉思立子憲為河內尉思立今日亡明日選人有索憲闕者時馬載為吏部侍郎書曰無行注冬集朝廷咸曰真銓綜流品之司可謂振理風俗也

典選十載

楊纂長於吏道所在皆有聲績俄又除吏部侍郎前後

典選十餘載人論稱為允當

典選六年

唐席豫為吏部侍郎玄宗謂之曰卿前為考功職事平允故有此授預典選六年有令譽又盧從愿精力于官偽牒詭功檢擿無所遺銓總六年以平允聞

四代居選

房穎叔拜天官侍郎自其高祖至穎叔四代咸居選部時論榮之

旬月即拜

胡廣字伯始舉孝廉天下第一旬月為吏部侍郎

賜鏡以表

唐高馮為吏侍凡所銓綜時稱平允太宗賜金背鏡一面以表其精鑒焉

改職又除

唐崔玄暉拜天官侍郎每介然自守郤絕請謁頗為執政所忌轉文昌左丞月餘則天謂曰自卿改職以來選

司大有罪過或聞令史乃設齋自慶此欲盛為貪惡爾
今要卿復舊任又除天官侍郎

大革前弊

唐宋璟為吏書與侍郎李乂盧從愿等大革前弊取捨
平允銓綜有叙

不省私書

孔緯字化丈權要有所私託書盈几不省

韋陟風采

韋陟遷吏侍郎選人多偽集與正調相冒陟有風采摘
辨無不服者

裴楷風神

晉裴楷為吏部侍郎風神高邁容儀俊爽時謂之玉山
照人

孝基知人

隋吏部侍郎高孝基鑒賞機悟清謹絕倫房玄齡杜
如晦與選孝基特加賞異後以為知人

行儉知人

裴行儉為吏部侍郎典選有知人之鑒見王勵與蘓味道謂人曰二子亦當掌銓衡之任後勵果為天官侍郎味道至相位

獎用孫張

王丘遷吏部侍郎典選復號平允其獎用如孫逖張鏡微皆一時茂秀

掌選韓元

吏侍鄭果注韓思復為太常博士元希聲為京兆士曹
嘗謂人曰今年掌選韓元二子則吏部不負朝廷矣

前有裴馬

唐裴行儉馬載為吏部侍郎同時典選十餘年甚有能
名時人稱為裴馬

後有盧李

盧從愿睿宗時拜吏部侍郎中宗之後選司頗失綱紀
從愿精心調理大稱平允李朝隱同時典選時人稱曰

前有裴馬後有盧李

弘景嚴正

韋弘景轉吏部侍郎銓綜平允權邪憚其嚴正不敢干以非道

岑義勁廉

岑義進吏部侍郎崔湜鄭愔及李元恭分掌選皆以賄聞獨義勁廉為時議嘉仰

汰澤士類

溫彥博遷檢校吏部侍郎彥博欲汰擇士類寡術不能
厭衆訟牒盈庭時議頗譏

甄別士庶

陸彥師為吏侍隋承周制官無清濁彥師在職凡所任
人頗甄別於士庶

識刀某姓

天官郎中李至遠權知侍郎時有選人姓刀又有王元
忠並被放乃密與令史相知滅其點書刀改為丁王改

為士擬授官後即添成文字至遠一覽便曰今年銓覆
萬人總識姓名安有丁士姓名此必刀某也省內以為
神明

令裴畧嘲

溫彥博為吏侍有選人裴畧被放乃自贊於彥博稱解
嘲謔彥博即令嘲屏牆畧曰高下八九尺東西六七步
突兀當廳坐幾許遮賢路彥博慚而與官

李下無蹊

李知遠知選吏肅然斂手又號李下無蹊又李又進吏侍請謁不行時人語曰李下無蹊徑

李士多附

李季卿拜吏部侍郎俄而兼御史大夫奉使河南江淮宣撫振拔幽滯進用忠廉時人稱之在銓衡數年季卿有宇量性識博達與善人交襟懷豁如其在朝以進賢為務士以此多附之

與邇遠官

唐崔鄆判吏部東銓事文帝召三銓謂之曰卿等比選令錄如何注擬鄆曰資序相當問以為治之術見可否而擬之帝曰依資合得而才劣者何授對曰與邊遠慢官帝曰以不肖之才治邊民則疾苦可知也朝廷遠近皆願得人苟非其才人受其弊尋拜吏部侍郎

便江南選

唐興元初劉滋為吏部侍郎往洪州知選事時言師興之後天下蝗旱穀價翔貴選人不得赴調乃命滋江南

典選以便江嶺之人時稱舉職

開門無禁

姜晦為吏部侍郎性聰悟識理體舊制吏曹舍宇悉布
棘以防令吏與選人交通及晦領選事盡除之大開銓
門示無所禁私引置者晦輒知之召問莫不首伏初朝
廷以晦改前規咸以為不可竟銓衡得所賄賂不行舉
朝服歎

選才得宜

劉林甫貞觀初遷吏部侍郎初赴選者以十一月為始
至春即停選林甫奏請四時聽隨到注擬當時咸以為
便時天下初定州府及詔使多有赤牒授官至是停省
盡來赴集將萬餘人林甫選才銓擢咸得其宜時人以
林甫典選比隋之高孝基

人推強直

韋陟嘗任吏部侍郎有一致仕官叙五品陟判之曰青
壇展慶曾不立班朱紱承榮無宜拜卧時人推其強直

帝謂勇決

隋楊恭仁大業初轉吏部侍郎楊元感作亂煬帝制恭仁率兵經畧與元感戰於破陵大敗之軍旋煬帝召入內殿謂曰吾聞破陵之軍唯卿力戰功最難比雖知卿奉法清慎却不知卿勇決如此

吏不容私

慕北海先生宓禮維揚兵革之後省曹簿書殘毀幾盡公再執銓衡時為吏部侍郎熟於典故衣冠調集與朝

政訟革討論漫無成案可放者公援據談審徐出一言以決吏不得容其私詔重刊七司條勅公所建明悉著于令自是省府除授皆有案驗

李益能
撰行狀

吏不得肆

洪文安公遵字景嚴公為吏部侍郎先是選人諸曹改秩予奪一出吏手公乃隨事疏理吏不得肆

陳擢孤寒

陳堯咨判流內銓舊制選人皆用奏舉乃得改京寺官

而士有孤寒不為人知者堯咨特為陳其功狀而升擢之

孫論優伶

孫逢吉字從之進吏部侍郎朱公熹之去公力救之時郎彭公龜年補外又言不應為近習而逐正人一日會食部中或報王喜除閤門祇候公曰此乃優伶嘗於內庭效朱侍講容止以儒為戲者豈可以汚清選當抗疏力爭否則以經筵論之飛語上聞內批為郡

厲色必容

苗晉卿知吏部選事性謙柔選人有訴訟索好官者雖至數千言或聲色甚厲者晉卿必含容之拜吏部侍郎前後典選五年政既寬弛胥吏多因緣為姦賄賂大行點頭更擬

蘓晉為吏侍裴光庭知尚書事有過客被却者就籍以朱點頭而已晉因榜院曰門下點頭者更擬光庭以為悔已出晉汝州刺史

高枕而卧

許子儒以學藝稱長壽中官至天官侍郎子儒居選部
不以藻鏡為意委令史勾直以腹心注官之次子儒但
高枕而卧時云勾直平配由是補授失序無復綱紀道
路以為口實

非錢不行

鄭愔掌選賦污狼籍有選人繫百錢于靴上人問其故
曰當今之選非錢不行

古今文集

雜著

謝轉吏部侍郎表

歐陽脩

驟膺渙渥備瀝愚誠雖至辭窮罔避煩言之為黷重乎
令出莫回成命於已行祇受以還驚惶失節臣某

中謝伏

念臣學未通於原本材不足以經綸但知守拙以為忠
每務師心而自信徒以遭逢先帝拔自衆人久參侍從
之聯遂玷機衡之貳而屬大橫啓兆嗣統膺期方為政

之清明思百度之脩理內量譴薄實憂以聖而責愚矧
迫衰殘方念乞身而告病不謂皇慈曲被寵數屢加當
覃大慶之初已無功而冒賞曾未踰年之久復進秩以
叨榮此蓋伏遇皇帝陛下聖政惟新用人務廣謂才難
於求備思悅使以忘勞憫其勤劬錫以優洽雖恩踰於
望表亦寵與其憂并並言殫犬馬之微少荅乾坤之造

代謝吏部侍郎表

樓鑰

代言西掖方拜誤恩攝貳東銓復叨改命循牆莫避臨

谷增危

中謝

伏念臣獲落無堪迂愚自信正以經營於菽

水故嘗希望於斗升昨自外官恭趨嚴召猥廁內朝之
鵷列親覩上聖之龍飛五歷粉闥一參月寺籌邊戎
幕無婉畫之可稱將命北庭幸歡盟之復締冒柱史詞
臣之選魚宮端寶牒之司初無左右之先容盡出聖神
之親擢忽承帝制倖倖天官一新龜紫之榮仍假銓衡
之長莫回成渙徒激懦衷茲蓋伏遇皇帝陛下虛以受
人明於分職憐臣孤立於官路借以末光謂臣曾歷於

劇曹付之重委臣敢不寅遵邦憲嚴制吏姦朝夕論思
雖素乏嚴吾之譽簿書期會庶免追裴馬之名

謝吏部侍郎表

鄒浩

代言西掖已冒至榮列職中臺更塵高選拜恩優渥撫
已兢慚中謝竊以六典治邦周重天官之任三銓綜吏唐

推文部之權洪惟神考之正名聲復先王之成憲迄至
今日益昭聖功宜得真才以貳選事而臣猥從廢斥
特荷哀憐俄擢寘於近班獲預聞於機要事陛下有如

上帝敢萌一念之欺仰陛下何啻高山終乏纖埃之補
未正空食之責遽叨越次之升靖言思之可謂幸矣此
盖伏遇皇帝陛下孝隆繼志道廣用中欲多士之無朋
故孤立者與進欲四方之不擾故愚守者并容爰舉斯
心俾祇厥序臣敢不激昂遭遇飭勵猷為念此餘生實
神聖之再造誓殫綿力稱寵祿之殊私

辭免除權吏部侍郎狀

吳永叔

渙若出綸震于聞命竊以甘泉扈從以侍臣為邦家之

光選部典銓以小宰為人物之鑑匪疇宿望曷稱親除
如臣者猥自遐陬躡登朝序才能甚短如鼎之不可以
柱車文體近浮如玉之不可以為穀偶值清朝之更化
忽陪羣彥以同升繆當記注之筵復玷詞翰之選赤墀
載筆幾瞻言動之容紅燭燃窓兩被傳宣之寵雖曰儒
生之榮遇每慚往哲之高風方戒滿盈又叨甄擢官清
易曠甫半歲而三遷恩重難酬不一月而再命倘昌承
於殊渥恐交嘖於煩言伏望聖慈俯矜愚悃於贊書之

未出擇髦士之攸宜庶安私情允愜公論

第二辭免狀

吳永叔

重惟吏侍之選實高諸曹非知人之明不足以鑑裁流
品非秉法之正不足以檢扼吏姦比者某共貳之初以
卯退朝以辰入局典吏抱案選官滿庭愛惜分陰僅可
區撥而才不周於繁劇智不足以眇綿以所不能之人
居所甚重之職因循之久易生垢玩豈圖異渥復畀陳
人若貪戀恩榮冒昧以處則必以庸疎抵於曠敗欲望

朝廷特賜敷奏得從寢免庶幾上不以累聖鑒下不以
溢愚分

辭光祿權吏部侍郎申省狀 洪咨夔

蒙恩便蕃聞命兢惕竊以詞垣四禁稽緩為先選部三
銓繁劇尤甚專掌尚虞於弗暨兼官必至於多違伏念
某學問空疎材識謏陋領內史之職舉乎一而未敢參
小宰之聯共其二以何有雖代庖而越俎將毀瓦而畫
墁欲望朝廷特賜敷奏念御馬不容於窮力而牧羊每

患於多岐俾塵舊官亟寢新命少安愚分實戴隆私

謝吏部侍郎表

周必大

嚴近叨居夙負瘵官之責武文迭試更膺換部之榮
衣頒在笥之珍寶帶錫章身之寵仰慙主眷俯愧輿言
臣某

中謝

臣聞古之銓綜存乎人今之銓綜一於法存乎人

固可以得士然其弊也嘗由予奪之不公一於法固
可以減私然其弊也或致賢愚之同滯而沉簿書紛若
胥吏雖然苟稽察之弗精將混淆而莫辨欲酌古今之

中制當令人法之並行庶稍戢於吏姦亦少伸於士氣
豈容虛受以累明揚伏念臣性鄙習迂志卑才下早親
翰墨第為書生陳腐之談久侍軒墀初乏禁從論思之
語引去則殊私之未報欲留則高位之難安方進退之
靡寧忽選除之下逮肺腑抱履冰之懼面顏形撻市之
羞被此光靈若為稱塞茲蓋伏遇皇帝陛下乾行不息
日照無私知人非堯舜之難巧壬奚患選衆有皋陶之
舉枉直自分夫何一介之臣乃冠貳卿之列臣敢不遵

承法令振拔滯淹雖微氷鑑之明上裨睿哲願守權衡之信仰助公平苟不辱知斯為報國

謝吏部侍郎魚權直學士院表 孫覲

承流文郡方叨左省之除擢貳選曹更代北扉之直寵恩深厚小已凌兢中謝臣聞虞書三載黜陟之文周官羣

吏誅賞之法歷時千載分總四銓圖籍浩繁官曹猥衆諸郎寄坐老吏專家二年干戈假擾之餘一時水火焚漂之後千瘡橫潰三窟旁穿世號杞椎坐朝銅臭士無

固志端若視馬曹然官不郎工但直書紙尾耳深惟流
弊常激懦衷使夫人皆從容而自居則誰當以奮發而
為意攬轡而上粗有意於澄清奏刀欲前了無施於盤
錯空慙綿力實負初心茲蓋伏遇皇帝陛下剛德方亨
大明繼照深鑒百王之弊一清多士之源偶以乏才遂
當殊獎圖難有欲速之戒矯枉在馴致之功輸夙夜之
勞儻遂愚公之志效涓塵之報庶逃黜伯之譏

吏部郎中

歷代沿革周官太宰屬官有下大夫蓋郎中之任也秦
有郎中以其為郎侍衛居中故曰郎中漢選尚書郎
初從三署郎次補之初入尚書臺稱郎中滿歲稱侍
郎故郎中之名猶因三署舊號後漢置吏部郎中職
在選舉魏晉用人妙於時選其諸曹郎功高者遷吏
部郎中歷代品級皆高於諸曹郎魏晉宋齊吏部郎
品第五諸曹郎第六梁吏部郎品第四班第十一陳
因梁後魏北齊吏部郎品正第四上諸曹郎品正第

六上後周依周官隋煬帝改吏部郎為選部郎唐吏部郎中二人龍朔二年改為司列大夫咸亨光宅神龍並隨曹改復一人掌小選未入仕而吏京司者復分九品通謂之行署其應選之人以未入九流故謂之流外銓宋元豐官制行置吏部郎中四人尚書選二人侍郎選各一人參掌選事而分治之凡序位有品選官有格分任有職寓祿有階皆以事稽攷審核其狀質成於長貳而後行焉建炎三年詔三選各一員

元仍唐宋舊置吏部郎中二人

羣書要語乃統胥徒是稱小選

席子楊仲宣碑

六官之屬曹郎

首之

白集除李見制

參我六典冠于諸曹

云

有簿書以旌淑

慝擇刀筆以決臧否剖疑析滯揮翰如流選部以清繁

公是賴

並同上

銓衡庶品歷選賓僚

陸倕表

才盛居東之佐

禮虔司南之重高選髦士以分劇曹

常集鄭負外制

天官之屬

號為劇曹

初寮王琮制

任參六典選重一時

類要

尚書正本而

吏部天官綜叙羣才以成天下之治郎於典領其選甚

高

南豐除
曹掾制

詩句吏部提英鑒片善蒙采錄

黃山谷

吏部信才傑丈

鋒振奇響調與金石諧思逐風雲上

梁沈約悼
齊謝朓

兩人同日

事征西今日君先捧紫泥

裴度柳公綽俱為判官公
綽先入為郎度以詩餞云

古今事實

超遷郎中

後漢吏部郎典劇多超遷者

稍遷郎中

齊庾杲之司空劉覲見而奇之曰是使江漢崇望杞梓
發聲稍遷吏部郎中參選大事

舉一吏部

後魏獻文帝創革舊制選置百官謂羣臣曰為吾舉
一吏部郎合即三日假尋曰朕已得之矣乃徵崔亮為之
亮自參選事垂三十年庶謹明決尚書曰非崔郎中選
事不辦

覓一吏部

褚亮每屬桓彞覓一佳吏部彞曰與縣宰徐寧海岱清士即遷吏部

崔亮明決

見上舉
一吏部

劉鼎風稜

劉鼎清太中為吏部郎中兼侍御史知雜事剛性若寬易而典選曹按吏有風稜

阮咸寡欲

山濤舉阮咸為吏部郎中曰清直寡欲萬物不能移也

陸佳正人

吏部郎典碎事日夜相接非但當正已而乃當能正人
議郎杜點德履亦佳太子庶子崔諒中郎陸佳皆有意
正人其次不當審有可用者否

設長名榜

吏部郎中裴行儉始設長名榜列銓注期限等法又定
州縣升降官資高下以為故事長名榜自此始也

定朝儀令

後魏鄒淵博覽經書太祖定中原擢為吏部郎淵明
解制度多識故事與崔元伯參定朝儀律令音樂及國
文記詔策多淵所為也

傾朝送別

何尚之字彥德為吏部郎告休定省傾朝送別及至郡
父叔度謂曰聞汝來此傾朝相送可有幾客荅曰殆數
百人叔度笑曰此是送吏部郎中非關何彥德也昔殷
浩亦嘗作豫章定省送別者甚衆及廢從東陽船泊征

虜亭積日乃至親舊無敢相窺

百姓追送

褚翔為義興太守徵為吏部郎去部百姓老少追送出境翔居小選公清不為請囑易意號為平允選侍中

庭植嘉樹

顧憲之為尚書吏部郎其祖凱之嘗為吏部於庭中列植嘉樹謂人曰吾為憲之植爾後果為此職

師為模楷

隋李德林為吏部郎陸昂命其子與德林周旋誠之曰
汝每事宜師此人為模楷

尉得遷官

晁補之字無咎為吏部郎中有嶺外尉為獲盜八人法
當改官考功為獲盜不同處曲沮其賞持之不決尉客
京久窘甚詣公訴之公憫然一日當奏即為上之七日
得遷官於是吏畏服部無留事

上常目送

曾肇謚文昭官制行除吏部郎中每便殿引選人上常
目送之出殿門而已

古今文集

雜著

吏部郎中廳壁記

獨孤及

太微五帝星座後十五星曰郎位秦漢之君則而象之
乃建郎中至魏世祖分尚書省為六郎各六人今之吏
部魏之選曹也掌選舉銓覈以正公卿大夫士羣吏之

品位凡廢置之柄官府之序歲終令天下郡縣會計致事而郎官起草立議操而成之然後尚書受成於郎中之選非楚金百鍊顏弓六鈞不與也故居官者不由選曹郎而進罔以見其才之餘地亦猶刀劍之刃未嘗屠大牛切大玉則雖曰我且以為鑊鉏人猶疑之由其塗而升驟必環周三臺翰飛兩掖登喉舌秉刀尺者什七八諸曹郎莫敵也歲在乙巳河南賀若公用貞幹諒直實涖厥位往歲公為外郎也東曹朗然如得水鏡治餘

杭也吳人熙熙若逢陽春今也來思八法在手操割成
務彌綸舊章厥如初政常以前哲軌躅我之韋絃而武
德以來解署鼎新者數官曹易名者五若姓不表年不
紀是廢德也將來何觀故謹而列之俾我曹之春秋存
乎右座其選部司列天官文部之目各因其所革時之
先後冠於其首以為志云

吏部負外郎

歷代沿革周官太宰屬官有上士蓋今負外之任也漢

百官階次有負外郎後周依周官隋文帝開皇六年
尚書省二十四司各置負外郎一人以司其曹之籍
帳品從第六謂各於本負之外復置郎煬帝三年改
尚書五省諸曹各置負外郎一人吏部置二人唐龍
朔咸亨光宅神龍並隨曹改復宋尚書諸司負外郎
正七品元置吏部負外郎二人

羣書要語吏部負外郎掌選院謂之南曹注其曹在銓
曹之南故謂之南曹

唐六典

吏部負外郎二人掌文選以

三銓之法官天下之材其投試銓注與流內畧同謂之

小選

唐百官志

詩句吏部信才傑文鋒振奇響調與金石諧恩逐風雲

上

梁沈約悼齊謝朓

吏部提英鑒片善蒙采錄

黃山谷

今日君先

捧紕泥

柳公綽與裴度俱為判官綽入為吏部郎度作詩餞云

古今事實

吏部省眼

唐吏部郎中二廳先小銓次格式員外郎二廳先南曹

次廢置舊說吏部為省眼

南宮眉目

韋陟字商衡為吏部員外郎是曹在南宮為眉目在選士為司命公執直筆閱簿書紛拏盤錯一瞬而剖

銓叙稱美

唐崔郾資質秀偉神情重雅人望而愛之為吏部員外郎奸吏不敢欺寒無援者不至流滯銓叙之美為時所稱

判析有條

唐李栖筠遷吏部員外郎判南曹栖筠判析有條奸吏
氣奪號為神明

簿最詳緻

韓滉遷吏部員外郎性強直明吏事在南曹五年簿最
詳緻

吏事第一

裴遵度遷吏部員外郎專判南曹天寶中海內無事九

流輻輳會府每歲吏部選人盈萬遵度敏識強記精覈文贍詳而不滯時稱吏事第一由是大知名

鈐制官吏

唐皇甫鎛為吏部員外郎判南曹凡三年頗能鈐制官吏改吏部郎中

旌別能否

唐牛徽遷吏部員外郎乾符中選曹猥濫吏為奸弊每歲選人四千餘徽性貞剛特為起請由是銓叙稱正能

否旌別物議稱之

思制吏奸

紹興三十年以劉珙為吏部員外郎珙在銓曹時苦吏為奸思有以制之一日命張幕設案置令式其中使選集者得出入繙閱與吏辨吏無得藏其巧人甚便之

復清選部

劉崇望字希徒轉吏部員外郎崔安潛為吏部尚書崇望判南曹滌除宿弊復清選部

朕欲見久

陳傅良奏事入脩門鬚鬢如雪丞相留公正一見歎曰
幾年陳君舉尚可使外補耶奏留為吏部員外郎初對
上曰卿去國幾何時朕欲見卿久矣知卿抱且學問深
醇有所著書進來時上臨朝淵默罕有聖語公敬謝而
退以周禮說進擢秘書少監

樓攻
杞集

上為瞿顧

張拭召為吏部員外郎廟堂用史正志為發運使奪州

縣財賦遠近騷然拭為上言之上曰正志以為非取之
民對曰今州縣財賦大抵無餘不過巧為之名以取之
於民耳上聞之矍然顧拭曰論此事者多矣未有能及
此者如卿之言是朕假手於發運使以病吾民也閱實
如拭言即詔罷之

古今文集

雜著

吏部員外郎南曹廳壁記
權德輿

漢廷尚書郎辨草制度主文書起草之任東漢方冠以曹名用諸曹功次超卓者轉遷選部魏晉已還其任寢劇國家紀律昭明官脩其方凡薦紳之倫未命為大夫者滿歲皆調於轂下啓事賦祿必先有司初上元中天官趙郡李敬元號為稱職以覆托官簿差次裁成端本肇末不得不重乃請外郎一人顓南曹之任其後或詔同曹郎分主之或詔他曹郎權居之皆難其才而慎斯舉也大抵膺是命者多士必屬耳目焉以其公私能否

之間不可遏也以事之委會吏之奇襄因緣詭故中若
市道居之者通明濶畧靡或深刻苟成績於是則翰飛
不暇登二掖贊六職得之夷易疾若傳置太原王仲舒
字弘中溫毅廉直清方敏資風神豪爽邁乎羣倫貞元
十年冬由諸侯部從事賢良對策歷一右諫列議曹考
功郎十八年實受斯命類能故也於是用堅明忠恕行
理官業程品具舉尤違自絕然後以狀之成質於冢宰
小宰罷退者不讀受祿者不誣恢恢然投其虛而芒刃

不煩君子以弘中之道為折中矣昔春秋書士穀曰
堪其事也魯語曰署所以朝夕度君命也上因官署而舉
事任春秋丘明之定也至若龍朔咸亨改復之說此皆
不書

吏部分掌

封誥科應給制誥
應封蔭贈遷

舊司封

歷代沿革舊主爵郎北齊置主爵郎中一人隋文帝為
主爵侍郎煬帝改為主爵郎唐龍朔二年改司封大

夫咸亨元年復故光宅元年改司封郎中神龍元年復故開元二十四年復為司封宗於右掖門置院四司誥身案並聚于此以備中書除改本司郎官各主其事淳化五年始專置官司於省內凡官誥各以本司誥身印印之文臣用吏部武臣用兵部王公命婦用司封加勳用司勳掌文武官將校誥身及封贈官誥院提舉一人以知制誥充判院一人以帶職京朝官充元豐五年行官制文武誥身屬吏部蕃官誥屬

兵部封贈及命婦誥屬司封加勲并將校誥屬司勲
官誥院四部誥身案及吏人隨事隸本部七年併司
封司勲誥身案入吏部預官庫收掌崇寧四年吏部
專置造官誥局五年罷令尚書右選主管大觀元年
復置尋改為官誥院仍隸左右司三年復罷歸吏部
政和三年六月詔依舊置官誥院差官二員主管少
府監鑄印記吏部製造誥身案記為文建炎以來因
仍不改元無專曹官封誥以令史分頭掌之

羣書要語司封郎中掌封命朝會賜予之級凡爵九等

推天子封爵之恩施於內外國之典也主以郎吏寵秩

甚優

曾南豐除王祖道制

宜寵左曹之秩用優主爵之名

古今事實

執秩

晉文公作執秩以正其官注執秩主爵之官

典封

後漢馮勤為郎中給事尚書使與諸侯封事

公權入奏

唐柳公權為司封員外郎入奏帝曰見卿筆蹟久矣因問用筆法權曰心正則筆正乃可法矣

孝武同省

貞觀中韋孝武為主爵郎中與兄弟同省時號三列宿

上科舉議

宋王介甫用事議論素異還朝寘之官誥院介甫欲變更科舉上疑焉公議上悟曰吾故疑此得蘓軾議意釋

然矣即日召見

蘇頌
演集

此代言手

宋京鏜字仲遠參政龍茂良薦公於孝宗轉主管官誥院先是茂良帥豫章日得公牋奏之文奇之曰此汪彥章代言手也充職兩月詔從臣舉良縣令為執法官給事中王希呂以公應書即召見曰卿議論通明有用材也是日除監察御史

古今文集

雜著

官誥院題名記

虞似良

士自一命以上至于公卿凡除授誥命必繇院以給之則居是職者為甚重而不輕矣故謹其付給而守其貳令視他司為嚴唐制百官誥身分掌於其所部文則吏部掌之武則兵部掌之宗室命婦司封掌之考校勲績司勲掌之國初悉因唐舊置院於右掖門之左凡吏兵封勲四司之告舉集諸此淳化五年始專置局命中書

舍人一員提舉而以朝官一員判局事於是職任踰重
元豐改制乃以文武官誥身悉隸吏部而以蕃官隸兵
部崇寧大觀或置或不大抵廢則皆歸吏部右選政和
復置院仍差主管官二員中興以來因仍不改然自紹
興至今四十餘年中間官吏殆無有記之者名氏則罷
濤不可見事之因循苟且豈特此哉似良不才承之是
官思有以紀會同寮魏君相與討究自薛僊而下得五
十五人勒諸石庶使來者尚有考也乾道七年十月既

望記

官誥院續題名記

丁伯杜

誥院題名石昉於乾道七禩紹興改元易而大之紹定
辛卯之秋鬱攸為沴屋與石俱燬營建既新亟求舊題
副墨壽之石立新石列為二經始於趙君與簾成於林
君果謂余曾居是官諗識之欽惟皇朝以名器砥礪天
下士命詞於西掖而受給於誥邸要使爵德賞功之意
雷行域中光被萬物所係亦大矣在昔名公率多發軔

于此不但伉台衡持從橐登要路為足垂榮某人節行
著聞某人勲業赫奕一目畢見使來者知所勸是亦補
教道之一紹定六年十一月既望記

官誥院續題名記

汪詢之

乾道辛卯官誥院始初題名石易于紹熙庚戌燬于紹
定辛卯今江淮大使官文趙公與憲來充厥職爰立二
石鴈行之后二十七年當寶祐六年石當續僕適承乏
乃暨同僚姜君士龍闔辭以諗于公公捐楮二千緡佐

其費及在外麾節之曾居是官者致助各有差于是石
續而三矣恭惟國朝以好爵縻天下士文武之臣各以
其職受命而榮辱予奪之機乃寄於盈尺之誥司存顧
不嚴且重歟凡得策名於石者當以羔羊素絲之詩厲
其節以絢衣惡丈之質養其才又以朝廷之所以懋德
懋功者自懋其器業使前者規後者隨輝聯光映聲鬯
實流國家將於是有所賴焉豈直能大其官而已是年

五月既望記

吏部分掌

勲封科應封食邑實封如王一萬戶郡王五千戶又親王公主應封國號之類

舊司勲

歷代沿革周官有司勲上士一人凡有功者司勲詔之後周夏官有司勲一人掌功勲之賞隋文帝立司勲侍郎二人煬帝改為司勲郎唐武德初為司勲郎中龍朔元年改為司勲大夫掌邦國官人之勲級凡勲十有二等十二轉自上柱國至武騎尉凡十二凡有功之人合授勲官者皆委之覆定然後奏擬宋司勲掌賜勲定選

錄用世勞凡官吏軍民應賞而隸有司施行者則審覆而駁其謬誤元無專曹官有勲封科以令史分頭掌之

羣書要語司勲掌六卿賞地之法以等其功王功曰勲國功曰功民功曰庸事功曰勞治功曰力戰功曰多凡賞無常輕重眡功

周禮

掌校定勲績論功行賞

職貢令

古今事實

詞人稱首

唐張九齡遷司勳貞外郎張說謂人曰後來詞人稱首

本傳

郎吏得人

唐張循憲薦張嘉貞奏對倂倂武后悅擢循憲司勳郎中酬其得人時功狀盈几郎吏不決嘉貞即為詳處廷

無留牒

張嘉貞傳

論安石配享

宋趙忠簡公鼎字元鎮公為司勳郎官乃言自王安石用事肆為紛更祖宗之法掃地而生民始病蔡京托名

紹述盡祖安石之政以致大患今安石猶配享廟廷而京黨赤族何以收人而召和氣哉

言行錄

遠秦檜擅事

宋陳文正公康伯字長卿自公為郎

時為司
勳郎官

秦檜方擅

事公雅有素望乃澹然其中檜雖稱公靜重常越用他人公不以為意在省五年始為軍器監

同上

吏部分掌

考選科諸科選
宮中選
諸司選
文資選
右職選
除由
磨由

司計
監當
官別置外選

舊考功

歷代沿革漢曹郎二人掌天下歲盡集課元帝時京房
作考功課吏之法然其職不在尚書至光武改尚書
三公曹主歲書考課課諸州郡魏尚書郎曹有考功
郎中一人宋齊並置功論郎中梁有功論侍郎隋文
帝置考功侍郎煬帝改考功郎唐龍朔改為司績大
夫武德舊令考功郎中監試貢舉人貞觀以來乃以
考功員外郎專掌貢舉省郎之殊美者至開元移貢

舉於禮部而考功員外郎分判而已宋考功判司事

一人以帶職朝官或無職事朝官充凡考課之法分

隸他司或以他司專領本司但掌覆大常擬謚及幕

府州縣官流外較考之事元豐官制行郎中員外郎

始實行本司事

續會要

初除蔡岫蔡京

職畧

掌文武遷叙

磨勘資任考課之政令凡命官隨所隸選以其職事

具注於歷給之於其屬州若司歲書其功過應升遷

選授者驗歷按法而叙進之有負殿則正其罪罰以

七事考監司以四善三最考守令凡改服色者以年
勞計之應謚者覆太常所定行狀報尚書省官集議
以聞凡立碑碣名額之事掌之舊置考課院其定殿
最皆有考辭元無專曹官有考選科以令史分頭主
之

羣書要語掌文武百官功過善惡之考法凡百司之長
歲較其屬功過善惡以九等大合衆而讀之流內之官
叙以四善善狀之外有二十七最

唐百官志及功臣家傳碑

頌誅謚等事

同上

主羣吏之課而議其誅賞郎於天臺任

屬尤重

魯南豐除
蔡京制

計羣吏之治而明黜陟之法臺郎典

引列於左曹

又除呂
和卿制

詩句稱意新官又少年秋清身健好朝天

白樂天送
崔考功

古今事實

鶴廳

唐考功員外郎廳事有薛稷畫鶴宋之問為贊

西京
雜記

南曹

見後裴
諤事

挾印赴行在

唐裴諝遷考功郎中代宗幸陝諝徒挾考功南曹印赴

行在上曰疾風知勁草

本傳

墨書絕吏奸

唐王徽轉考功員外郎時考簿上中下字朱書吏緣為奸多有指改徽白僕射請以墨書

鄭澣敏識

鄭澣為考功員外郎刺史有驅迫人吏上言政績請刊

石紀者漸探得其情條奏廉使巧迹遂露人服其敏識

分紀

仲舒文名

王仲舒有文名遷考功員外郎奏議詳雅省中伏其能
辭判精密

裴均遷考功員外郎侍郎鄭珣瑜考校辭判研覈精密
皆值才實

典選平允

嚴挺之開元中為考功郎中典選二年大稱平允

並本傳

進絀清明

席豫遷考功員外郎進絀清明拜吏侍元宗曰卿考功職詳事允故有今授

黜陟詳當

趙宗儒傳貞元六年領考功事黜陟詳當無所回避

不避權倖

穆宗即位召李渤為考功員外郎校定京官考不避權

倖皆行黜陟

務覈實才

唐王丘傳開元初遷考功員外郎異時多請託丘務覈實才

吏無以欺

王仲舒字弘中在考功吏部提約明悉故吏無以欺

韓文

正公神
道碑

人以為便

考功員外郎魏砀字邦達守監察御史砀在考功郎選
案牘不存吏緣為奸川陝官到部者多以微文沮抑往
反輒經年砀請細節不圓處悉先放行人以為便

中興
系年

錄

非蘓不可

韓休作蘓題集序云屬考功員外郎闕時中書令李嶠
執筆曰考功郎非蘓君不可遂拜考功員外郎

得王遂清

王信字成之權考功郎有選人張公選初一年免銓至是改秩吏妄引復令扼之公鈞察其故吏怖服又有三蜀士實礙式吏受賂為道地趙衛公為工書以囑公持弗聽已而轉臨天官閱審成牘拊掌愧歎嗟激不已至白於上前他日上謂尚書蔡洸曰考功得王信銓曹遂清選者私相詣指為神明

同上

謚改文莊

宋劉敞判尚書考功仁宗賜夏竦謚曰文正敞言謚者

有司之事也疎之行邪而陛下謚之以正不應法疏三
上仁宗為更疎謚曰文莊

東都事畧

選指神明

見上得王遂清

古今文集

律詩

送考功崔郎中赴闕

白居易

稱意新官又少年
秋涼身健好朝天
青雲上了無多路
却要徐驅穩著鞭

詩話

專心望考功

唐王尚客為侍御史自以才望清華妙當入省常望前行忽降膳部員外郎微有惋悵張恭忠詠曰有意嫌兵部專心望考功誰知脚蹭蹬却落省牆東

古今事文類聚新集卷十一